



陵祭第二十一

一每年清明中元冬至各衙門文武官分祭
六陵每二陵有糾儀監宰御史一員先期
二日與各道陪祭御史辭

朝同赴昌平州察院止宿內推年深道長一
員接待祭見官員并分給草料其把總州
官饋送下程止受柴炭餘俱不受
一次日黎明待糾儀御史先赴該事

陵所下馬行至香殿大門外望

陵行五拜三叩頭禮畢祠祭署官道至

神厨看饌案并犧牲立飲一茶而別惟

長陵神厨在大門內須入門行禮畢方看牲
案也

一省牲回至朝房收各衙門報單如有喧嘩
飲酒鳴鑼用刑者審具本糾劾

一未祭之先往 陵所候開門進入糾儀御
史下對燎亭稍前二尺相向拱立惟

長陵有九級中左右三階御史須 對左右
階外相去五六尺相向拱立

一題本式

貴州等道監察御史臣某等謹

題為糾儀事弘治五年十一月二十日冬至
臣等當蒙都察院差往

獻陵

茂陵糾儀節該奉禮部奏准出給告示在齋
房門前張掛禁約不許鳴鑼等項驚動陵
寢如違聽從糾儀御史等官劾奏本月十
九日夜一更時分有刑部山西司主事某
帶領不知姓名男將銅鑼一面在齋房敲
打人衆驚動事屬故違合當究問緣係京

官未敢擅便謹題請

旨

候駕第二十四

一省牲及郊祀之日文武官朝畢出至六科廊去御道東西各丈餘立候

駕出須存恭謹毋得怠慢失儀致巡視官奏劾

一省牲

駕回止是侍外班御史與給事中各具公服於送

駕處所立候

駕過

一郊祀

駕回文武各具朝服於承天門外拱立候

駕過隨至

奉天殿行禮

慶成宴第二十五

一文武官迎

駕至殿上陞座鴻臚官贊拜百官四拜興平身樂止光祿寺官進御筵內官捧案進膳

樂作設案畢樂止內官進花進膳樂作進
訖樂止教坊司跪奏一奏

萬壽之曲侑食樂作內官斟酒捧爵

御案前鴻臚寺贊跪文武百官皆跪教坊司
跪奏進酒鴻臚寺官員俯伏興平身樂止
贊各就坐百官就坐簪花訖教坊司跪奏
平定天下之舞舞畢教坊司跪奏二奏
天恩之曲樂作內官斟酒捧爵至

御前教坊司奏進酒畢樂止殿外導湯樂作
至殿內迎湯樂作內官捧湯至

御案前教坊司跪奏進湯樂作鴻臚寺官贊
饌成內官徹湯樂止教坊司跪奏奏黃童
白叟鼓腹謳歌之舞舞畢奏撫安四夷之
舞舞畢教坊司跪奏三奏感

地德之曲樂作進酒如前儀樂止教坊司
跪奏車書會同之舞舞畢教坊司跪四奏
樂民之曲樂止進酒如前儀樂止殿外導
湯樂作至殿內迎湯樂作內官捧湯至
御前教坊司奏進湯樂作鴻臚寺官贊饌成
內官徹湯樂止教坊司跪奏

表正萬邦之舞舞畢教坊司跪奏五奏感
皇恩之曲樂作進酒如前儀樂止殿外導湯膳
樂作至殿內迎湯膳樂作內官捧湯膳至
御案前教坊司跪奏進膳樂作鴻臚寺贊饌
成內官徹湯膳并

御筵樂止教坊司跪奏

命有德之舞舞畢奏纓鞭德勝蠻夷隊舞承應
畢教坊司更進致語畢鳴贊唱徹饌案序
班徹群臣卓跪光祿寺官即徹

御案贊宴成群臣皆出席北向立班隨即徹

群臣座殿外官皆詣丹墀訖北向立贊
躬樂作贊四拜平身樂止群臣分東西立
儀禮司跪奏禮畢

駕回大樂作鳴鞭百官以次出

一侍宴位次

殿內侍坐官員

公侯駙馬伯 文職四品以上及學士

武職都指揮以上

中左門序坐官員

翰林院左右春坊

經筵官

六科給事中

尚寶司卿少卿司丞

通政司叅議

大理寺寺丞

國子監司業

帶俸叅議

太常寺寺丞

鴻臚寺少卿寺丞

順天府治中

欽天監正副

太醫院院使判

神樂觀提點

道路

知觀

中右門序坐官員

皇親都指揮

達官都指揮

署都指揮僉事

外國副使

皇親正副千百所鎮撫

兵馬副指揮

野人女直都指揮

丹墀東序坐官員

翰林院修撰等官

六科給事中

監察御史

中書舍人

陪祀郎中員外郎

五府經歷

都察院經歷都事

照磨檢校

六部司務

翰林院帶俸官

太常寺博士等官

犧牲所千百戶

詹事府等主簿

通事舍人

外國四夷人等

選官指揮司同知僉事

正副千百所鎮撫

鴻臚寺丞主簿序班

欽天監五官等官

太醫院御醫

丹墀西序坐官員

指揮使指揮同知

陪祀指揮同知僉事

外國四夷人

其遇朝覲各布政司方面官太僕寺卿運

司知府官員陪祀者與宴方面官列於左

中門班序卿運使知府列於東丹墀班次

衍聖公張真人列於二品文官班次其餘

真人領宴及以事故者亦領宴其法王佛

子國師禪師僧官刺麻俱於大慈恩寺宴

內官一員待宴

一題本式

江西道監察御史臣王冠等謹

題為糾儀事弘治十三年正月十一日慶成

宴該臣等於

丹墀糾儀文武兩班官員人等東西侍立伺

候行禮有鴻臚寺該班序班周南等不合

不行催僎入班以致鳴贊贊訖鞠躬拜興

各官方纔倉卒赴班行禮紊亂甚失
朝儀及查出光祿寺署丞陳幾開報

中左門錦衣衛指揮僉事李堂百戶孫賢
東班帶俸序班韋瑛達官指揮使趙玉西
班府軍後衛指揮使孫宸各不合不行赴
宴有孤

恩典所據前項各該官員俱屬有違合當查究
拿問緣周南等係京官李堂等係皇親趙
玉等係達官孫宸係軍職俱未敢擅便謹

題請

旨

時宴第二十六

一四月八喫不落茨端午喫粽重陽節喫糕
臘八千秋喫麵俱

午門外陳設該直外班御史先期領本院節
付至筵時往來巡視一次遂退如失儀及
不收宴品者查名本糾宴散光祿寺設二
席以待侍班者先叩三頭就食食畢又叩
三頭退

救護第二十七

一日食文武官員各具朝服赴禮部初虧時行四拜禮通跪救護候復圓仍四拜禮畢其有混亂不到等項許本糾月食至期赴中府亦如日食之儀

一題本式

雲南道監察御史臣某等謹

題為糾儀事成化二十年九月初一日日食文武官員俱照例赴禮部行禮間有不知名男子交攙入大臣班內混跪被錦衣衛緝事校尉捉獲去訖及有掌欽天監事太

常寺少卿康永韶本監監副李華各該通班行禮却在廊下站立鴻臚寺寺丞翟勉鳴贊譚章既有朝服却又不束角帶崇照各官怠忽不謹俱屬有違合當究問康永韶等俱係在京堂上官譚章係京官未敢擅便謹題請

旨

刷卷第二十八

一光祿寺送卷到日約量某日刷完發放該吏至次日候領卷就稟掌道取監生卷內

先查收支年月次序及總撒相同如年月失序總撒數目不同就當參駁若總多撒少係未完卷者則不必泥也

一刷卷完復命御史先上御道跪於前監生跪于後復命云某道監察御史臣某與同後面跪的監生照刷光祿寺文卷事完復命三叩頭畢又云奏本文冊送科起作揖退至科下本冊餘如打斷復命之儀

提牢第二十九

接管提牢之日待升堂說打斷復至堂稟云接管亦如說打斷之儀退至廳點閘皂隸閱視囚人畢督同官吏將公用書籍什物逐一查點註簿候滿時如前查交其監房墻垣有傾壞者令司獄具呈以憑轉呈堂尊委官修理

一每日升廳官吏作揖報風放假并每晚封監報更等事俱有定規尊而行之可也

一新收囚人搜檢銀帕等物註簿收櫃候滿時查發銀修置什物

一提牢將滿二日前赴堂遞滿呈接管者就

於是日掌道給假

一提牢待滿之日待升堂說打斷後至堂稟云提牢滿亦如說相視之儀說畢遞支銷油米呈子後堂事畢請掌道給假赴各道私宅拜以答其提牢時見訪之禮

煎銷第三十

一每年終刑部請御史監銷贓罰銀兩手本到日其日巡風者次日稟堂赴該司取具銀匠結狀將各項贓罰銀兩眼同該司官吏督同銀匠從公估計成色的當註簿除足色者不煎外其未足色者各色類秤明白包封註寫成色分兩以候煎銷其鉛炭工價亦須酌量計處切不可信憑該司捏說使用浩大聽從少估金銀成色扶同作弊亦須以法懲之

公差第三十一

一巡按御史點差叩頭後先赴各道投刺升堂後立簷下謝差司廳及兩廂房與各道長作揖仍至堂尊及各道長私宅謁見投刺具題本點差者本出之日差吏赴鴻臚

寺報名次日謝

恩惟堂差者不謝恩餘儀如前

一點差後五七日赴堂具呈請印候經歷手
本去後至尚寶司領印須仔細驗看有無
損壞有即與職掌者說明著簿其領精微
批亦如之

一出差御史將行辭

朝後至道投刺辭堂私謁俱如初差之儀但
辭堂回道後仍赴各道辭掌道者差回亦
如之

一出差巡按御史該有

勅者先期赴內閣會勅至臨行之日早至奉天
門領

勅叩頭方行

見辭第三十二

一御史丁憂起差出差回等項見辭者先
一日差吏赴鴻臚寺報名次日早具公服
午門外行五拜三叩頭禮倘遇輟朝日期不
用公服止具常服行禮其該復命者照依
鴻臚寺派定起數由西掖門入至

御前以次跪于御道中復

命云某道監察御史臣某

欽蒙差往某處公幹事完復

命三叩頭畢又云臣有題本進奏本文冊送科

起作揖退至科下本冊

一該領

勅御史

午門外行禮後仍至

御前面辭云監察御史臣某

欽蒙差往某處公幹辭三叩頭

旨云與酒飯喫再三叩頭領

勅三叩頭

出使禮儀第三十三

一御史公差在外遇迎接

詔書并習儀拜牌俱行出使禮立於各官班前

禮生贊云禮行出使導至

龍亭前請行五拜三叩頭禮畢起立於

龍亭之東候多官行禮畢乃退若巡按清軍御

史其寓省城察院者行禮如常儀

一遇日月簿餼俱在本院行禮不與多官同

列

考滿第三十四

一歷俸三年六年已滿先期赴堂稟知將年
甲籍貫先後職任緣由備細具呈稟知呈
遞候有考語謝堂後仍至私宅謁謝即赴
部堂及四司作揖候咨過吏部引復職令
出差吏赴鴻臚寺報名次日早謝

恩赴吏部揖謝畢至各道投刺參堂等項俱如
實授之儀但到吏部堂尊私宅湏面謝不
可投刺

事故第三十五

一各處御史或病故或陞調原領

勅書差人送來就送該管道分寫題稿送堂具
勅書隨本進繳而印信則本既出給手本送該
道御史送交也

糾儀官員第三十六

一每日奉天門朝參糾儀御史 丹墀二員
午門外二員

一每月朔望奉天殿朝參糾儀御史
丹墀二員 奉天門外二員

一萬壽聖節糾儀御史 殿上四員

丹墀十二員

一東宮千秋節糾儀御史 文華殿十二員

一登極頒詔天下糾儀御史 殿上四員

丹墀十二員 午門外二員 承天門外

二員

一上徽號頒詔天下糾儀御史 殿上四員

丹墀十二員 午門外二員 承天門外二員

一駕幸太學行釋奠禮 監禮御史四員

一駕還奉天門行慶賀禮 丹墀二員

一祭酒等官率諸生上表謝

恩糾儀御史 殿上二員 丹墀二員

一左東宮傳制糾儀御史 殿上四員

丹墀十二員 午門外二員 承天門外二員

一上表賀立

東宮糾儀御史 殿上四員 丹墀十二員

一東宮行冠禮傳制糾儀御史 殿上二員

丹墀二員

一賀東宮冠禮糾儀御史 殿上二員

丹墀二員 文華殿二員 午門外二員

一冊封

皇后頒詔天下糾儀御史

殿上四員

冊墀十二員

午門外二員

一賀立

后糾儀御史

殿上二員

冊墀二員

一冊封

親王糾儀御史

殿上二員

冊墀二員

一皇子行冠禮糾儀御史

殿上二員

冊墀二員

一冊封妃并王妃行納采禮傳制糾儀御史

六陵監禮監宰與清明同

八月

一傳制糾儀御史

殿上二員

冊墀二員

一祭大社大稷監禮監宰糾儀御史二員

一祭太歲風雲雷雨等神監禮監宰糾儀御

史二員

一祭先師孔子監禮監宰糾儀御史二員

一萬壽聖節糾儀御史

殿上二員

冊墀二員

九月

一重陽節喫糕糾儀御史二員

十月

一孟冬時享

太廟監禮監宰糾儀御史二員

十一月

一頒曆糾儀御史 殿上二員 丹墀二員

文華殿二員 門外二員

一冬至節糾儀御史 殿上四員 丹墀十二員

文華殿二員 門外二員

一冬至節

六陵監禮監宰與清明同

十二月

一駕出天地壇省牲御史二員

一臘八日糾儀御史二員

一歲暮拾祭

太廟監禮監宰糾儀御史二員

一皇太子千秋令節 文華殿二員 門外二員

一廷試歲貢及教職監察試御史二員

一鄉試會試監察試御史二員

一經筵事該與經筵堂上禮部手本到日報
名次日早謝

恩該用御史盡風差科

各道所司第三十七

浙江道

在京

中軍都督府

廣津衛

留守中衛

府軍左右衛

茂陵衛

神策衛

金吾左衛

和豐衛

應天衛

武功中衛

武功後衛

金吾前衛

牧馬千戶所

在外

浙江三司

廬州衛

六安州衛

越府牧馬所

江西道

在京

前軍都督府

豹韜衛

天策衛

龍江左右衛

龍驤衛

府軍前衛

燕山左衛

蕃牧所

在外

江西三司

龍門衛

武清衛

淮安府衛

邳州衛

大河衛

九江衛

海州衛

鉛山衛

淮安群牧所

福建道

在京

戶部

忠義左衛

飛熊衛

武軍左右前二衛

武功中衛

金吾後衛

裕陵衛

景陵衛

獻陵衛

廣積庫

甲乙丙丁戊字庫

承運庫

天財庫

廣惠庫

贓罰庫

廣盈庫

軍儲庫

行用庫

龍江批驗茶鹽引所

抄紙局

印造抄局

寶鈔提舉司

在外

福建三司

定遠衛

福建行都司

常州府

池州衛

開平中屯衛

美裕千戶所

四川道

在京

工部

大寧前衛

府軍衛

濟川衛

尚衣監

御用監

孝陵神宮監 文思院 軍器局

針工局 鞍轡局 巾帽局

皮作局 寶源局 冠帽局

兵仗局 織染局 惜薪司

永清左衛 營膳所

在外

四川三司 四川行都司 松江衛

潼川衛 廣德所 金山衛

會州衛 懷州衛 懷安衛

尉州衛 天全番招討司 西陽軍尉司

常山群牧千戶所 蜀府 梁府群牧所

播州宣尉司 石柱宣尉司

陝西道

在京

後軍都督府 大理寺 行人司

興武衛 神武衛 鷹揚衛

義勇中右二衛 府軍後衛 橫海衛

江陰衛 牧馬千戶所

在外

陝西三司 陝西行都司 和州

安化王府
韓恭慶三府
肅州衛
保定左右前四衛
寧夏衛
蒙古左右三衛
敢勇報効二衛

雲南道

在京

順天府

羽林前衛

廣備庫

寬河衛

在外

雲南三司

趙府

廣平府衛

永平府衛

霸州

隆慶左右三衛

盧龍衛

密雲中後二衛

鎮虜衛

撫寧衛

東勝左右二衛

萬全左右三衛

山海衛

涿鹿四衛

大同中屯衛

居庸關

營州左右前後五衛

武定所

黃花鎮千戶所

樂安千戶所

寬河千戶所

平安所

河南道

在京

禮部

翰林院

國子監

光祿寺

都察院

尚寶司

太常寺

鴻臚寺

欽天監

司禮監

鐘鼓司

太醫院

尚膳監

羽林左衛

彭成衛

教坊司

神武左右前三衛

神宮衛

留守前後二衛

在外

河南三司

兩淮鹽運司

大名府

伊唐周鄭四府

鄭府儀衛司

潼關衛

揚州府衛

寧山衛

信陽衛

儀真歸德武平三衛

高郵衛

睢陽衛

班班齊贊四拜興平身樂止進箋置卓定

宣箋目宣箋畢俯伏致辭畢俯伏四拜興

平身

一太皇后聖節常朝罷

聖上在寶座立起說鴻臚寺官本寺承

旨

聖旨說官人每喫麪本寺又承

旨堂上官贊官人每入班鳴贊贊鞠躬一拜叩

頭平身文武官俱赴

午門前外喫麪待畢又贊跪叩頭方退

鹵簿樂器第三十九

一鹵簿并樂器御史皆當記名題有跌落差
失指名面糾今將物名開列于後

一凡常日

奉天門早朝設

丹墀駕於

午門外及金橋

單龍戟三對

雙龍戟二對

班劍三對

梧杖三對

儀刀三對

臥瓜三對

鐙杖三對

金鉞三對

骨朶三對

單龍扇三對

雙龍扇十把

黃蓋傘二把

黃曲柄傘二把

五方傘五把

鳴鞭四條

弓矢五十副

一殿內中和韶樂

麾一

簫十二

笙十二

排簫四

橫笛十二

篪四

塤四

琴十

瑟四

搏拊二

編鍾二

編磬二

應鼓三

祝一

敔一

一奉天門大樂

麾一

王國儀注第四十

一王之國後沿途合祀神祇近者大小皆親祭遠者望祭仍先遣祀洒掃

社稷山川壇旗纛扇預備祭物

王將到國前二日致祭齋戒及至城外本處文武百官率耆老陪班祭祀畢送

王至宮殿行禮賀

王到國慶賀禮儀其日設儀仗於露臺上下之東西設大樂於露臺之上東西北向陳金鼓旗幟於承運門外管軍官員各守殿

門及

王城門設文武百官拜位於丹墀之內文東武西設贊禮官二員於揖位之北東西相向護從執事等官先請回殿同候典服官啓請

王具服訖典儀啓執事者行四拜禮各復位典仗啓請

王陞殿導引官前導大樂作陞座訖樂止贊排班班齊引禮文武官就位贊鞠躬作樂四拜興平身樂止引禮官引班官由殿東

門入至殿中贊跪外亦贊衆官皆跪班首
官致詞云某官等敬惟殿下欽承

上命至國之初禮當慶賀如係王府則稱臣某
等後伺通贊唱俯伏興平身引禮官引班
首復位鞠躬樂作四拜興平身樂作典儀
殿中啓禮畢樂作導引止

王還樂止各官依次出 凡遇大賀禮儀俱同
一凡遇正旦冬至預期進賀致詞隨挨上表
箋及

萬壽聖節預期筵賀

表文俱行十二拜禮其日清晨設龍亭于正
殿中設儀仗大樂露臺東西設

表箋案於龍亭前香案於表箋案前進表箋
使者立於香案之東捧

表箋官於香案之西設香亭於承運門之中
道設

王拜位於露臺上百官拜位於丹墀內

王冕服就位百官各具朝服隨班齊贊鞠躬
樂作四拜興平身樂止引禮啓請

王香案前跪贊百官皆跪執事者以表箋授

跪

王王授使者使者授跪置龍亭訖贊俯伏樂作平身止復位贊鞠躬樂作四拜興平身樂止啓請

王播圭百官播笏鞠躬三舞蹈山呼王出圭百官出笏俯伏興平身四拜啓禮畢儀仗道引百官服朝服送郊外

王送宮城門就回護官從 王還宮
一凡遇時進

中宮聖壽箋文

王具冕服百官各具朝服俱行十二拜禮陳設前儀贊班齊鞠躬四拜興平身啓請
王詣香案前跪百官皆跪執事者以表箋跪授

王王授使者跪受置於龍亭訖贊俯伏興平身復位再拜四拜禮畢不必跪山呼

東宮箋文如前儀

王具皮弁服百官各具朝服隨班贊四拜興平身請

王詣香案前跪百官皆跪執事者以箋授

王王授使者使者跪授置于龍亭訖贊俯伏
興平身復位贊鞠躬四拜禮畢

一凡遇

聖節正旦冬至節日行告祝

天地禮具設香案于露臺上設

王拜位于案前文武百官拜位于丹墀之東

西

王冕服就位各官具朝服隨班贊鞠躬四拜
興平身

王詣香案前跪衆官皆跪

王致詞祝訖隨意致詞贊俯伏興平身復位
衆官四拜禮畢

中宮聖壽日

王冕服如具禮服設香案于內宮門露臺二
告祝

天地禮行四拜興平身

王詣香案前告祝訖俯伏興平身復位又四
拜禮畢不用樂百官不隨

東宮壽日行告祝禮王具皮弁服百官各具
朝服隨班八拜禮儀相同正旦慶賀

風憲事宜 八十六
王冕服文武百官各具朝服贊四拜興平身
引班首由東階至殿中致詞云某等茲遇
三陽開泰萬物咸新敬惟

殿下茂膺多福賀畢俯伏興平身復位四拜
禮畢

一冬至節日行賀禮

王冕服文武百官各具朝服贊四拜興平身
引班首由東階至殿中致詞云某等某官
等茲遇律應黃鐘日當長敬惟

殿下同前

王壽日行賀禮王冕服文武百官各具朝
服行四拜禮興平身引班首于東門陞致
殿中致詞某官等茲遇

殿下壽誕之辰某等敬祝

千秋 壽畢俯伏興平身復位四拜禮畢
一正旦冬至

王壽日止是王府官屬及附郭文武官員稱
賀若在各衛所府州縣衙門擬合預期摘
撥佐貳官或首領官一員至日隨班行禮
本府典儀具啓本某處某官等幾員前來

賀啓

聞訖然後行禮但有出使官員一體隨行每日至府官屬常朝依文武左右班立遇朔日各守禦衛分及府州縣等官朝見各照品級文東武西行叩頭行禮畢四品以上及長史紀善陞殿五品以下於丹墀東西序立北向若是報名見者不在朔望之限親王授曆每歲九月初一日欽天監進次年曆頒降訖即遣使者賫曆之

王國長史司官先啓設香案於殿上王常服出殿門迎接使者捧曆詣殿上置于案引禮引

王詣香案前贊四拜興平身贊跪使者取曆投

王受訖以授執事者復置於案贊王俯伏興四拜平身禮畢

一迎接

詔赦祖訓錄內已有定制或有特旨 御筆至王府則遣官於郊外迎接設香案於殿中王宮門外迎出使者以

聖旨置殿上香案導引啓王四拜興平身詣香案前使者以

聖旨授王王跪看畢仍置於案贊跪俯伏興平身復位又贊四拜興平身禮畢

一命婦行賀禮儀

王妃到國五品以上命婦出城五里迎接至宮行賀禮畢八拜

一凡遇冬至正旦五品以上命婦具服至詣宮賀贊四拜班首由東階殿內跪外婦皆跪班首致詞云云復位四拜禮畢

王妃壽日五品以上命婦具禮服詣

王妃前四拜班首由東階殿跪致詞封某氏等敬惟

王妃殿下壽旦之辰祝千歲壽賀後復位四拜禮畢

一命婦行禮拜位次序各照夫之品級

一凡遇正旦冬至

聖節及王壽日設宴用花其餘常宴不必用花大宴七爵禮儀畢其日設于

王座前正殿設酒於西南膳於東南文武官

四品以上座於西廊殿內東西相向酒罈
食設於殿外五品以下座於西廊用細樂
于殿內大樂於殿外典儀請陞座

殿下常服出樂作陞座止引禮文武四品以
上官及長史殿內五品以下殿外列班北
向立贊鞠躬樂作四拜興平身樂止進筵
樂作有花則進花色長跪一奏千秋之曲
吹唱樂作進第一爵酒贊各官跪色長唱
進酒飲畢俯伏樂作贊各就座執事者進
各官樂作有花則散樂止則進第二進爵

歷司務廳與衆道長處各一揖即出本日
晚或次日早謁各堂私宅又次日出東廠
錦衣衛掌印捕盜巡街道相干衙門宅上
相訪手本用軟紅紙上寫新差巡視某城
監察御史某人頓首拜俱不入門止下馬
遞與把門人凡遇慶賀入

朝餘日俱不入每遇五日入衙門升堂畢仍楷
下作揖候訖相視打斷之後遞揭帖每處
一本若

駕出省牲郊祀其日五城俱在正陽門內文德

武功坊處聽候

附錄

都察院為導戒飭定條約以新風紀事照
得本院節該欽奉

勅諭御史為朝廷耳目之官所係甚重必官得
其人人盡其職斯可以肅百僚而貞百度
也爾為內臺之長綱紀攸繫必先持廉秉
公正已率屬其各道御史務令奉職守法
清白自律夙夜匪懈一應政務悉依諸司
職掌及憲綱施行等因欽此欽遵今照憲
度事宜非止一端

祖宗以來俱有成憲前官奉行已有定規但行之既久人心玩怠固知遵守廢弛者多為此當職與一二僚佐督同經歷司務并十三道御史等官各將本院大小應行事件逐一查出事有宜於昔而敝於今者亦有行於前而窒於後者俱各斟酌更定註為條件登記在簿諸道廳司各照一編收執檢閱遵守奉行各宜展食祿報國之忠毋仍蹈趨利避害之轍如有故違明有國典幽有鬼神咎不可逭須至簿者

北人 北直隸 山東 山西 陝西

河南

南人 福建 廣東 廣西 雲南

貴州

一凡差巡按先儘中差回者如無方及掌道日久者其三邊兩廣一時該差者不能盡如原擬臨時斟酌地里遠近定差

一舊時寫差點一次者空歇一次或累次不點未免勞逸不均逐日連珠接寫似覺便宜不須更易

一御史歷俸七年以上遇考須要查筭地方水程事完回任半年後考滿者方可定擬
一御史曾經中差并又巡按者照舊准免擬差

一御史提督本科者責務不輕必須曾經巡按回道者選用准免擬差

一御史擬差巡按或二員俱用已巡按者或俱用未巡按者或用一員已巡按一員未巡按者臨時定奪

一點差清軍巡鹽巡倉刷卷盤糧等項御史經歷司寫稿稟堂每一差擬寫二員具題請

旨其餘巡城巡庫抽分巡視光祿寺經歷司具稿簿稟堂定擬一員劄付行事

一御史在京監試勘事等項不常之差臨時定擬

一掌道御史責任匪輕必須年深練達方可定委已定者不可輕易以致案卷不明奸弊易生如或缺人未經巡按者斟酌定委有人即換

一侍班御史除掌道御史輪侍內班其餘不
分新舊輪侍外班不許推托誤事經歷司
每一日一次揭牌赴 堂准日懸掛掌管
吏每日挨次賚簿赴各該御史處畫風畫
班完報

一允侍經筵監禮監宰侍宴糾儀等項御史
俱先期兩日畫知至日恭恪行事不許遲
誤

一每三年例該奏差堂上官閱實事件至期
咨行兵部具名上

請

一各處巡關御史每年一奏差咨兵部請
勅其偏頭鴈門等關係巡按山西帶管

一各處清軍御史三年滿日兵部咨行本院
奏差仍行兵部請

勅

一兩直隸印烙馬駒每年八月奏差御史各
一員仍行兵部請

勅

一各處巡鹽御史每一年奏差者兩淮長蘆

兼管河道咨戶部請

勅

一陝西巡茶馬御史一年一換戶部請

勅 弘治十六年三月十一日兵部奏

准停止正德二年四月復差

一提調學校御史吏部具缺會禮部本部推舉學行政事御史一員上請

命下之日咨禮部請

勅

一京通巡倉御史一年一奏差替

一點京營御史一年一差換

一點守衛軍御史一年一差換

一巡視光祿寺御史一年一差換

一抽分御史每季一差換工房抄例劄仰欵

導 蘆溝橋抽分 白河兼管廣積抽分

通濟東城帶 張家灣通州巡倉帶管

一巡西庫御史一年差換鑄錢

一東城兼管草場并踏首菑地散冬衣布花

一南城兼管神木等廠并驗太常寺猪羊

一西城兼管散官庫折俸

一北城兼存恤軍士九門收鈔

一朝

覲

一每年河道將凍之時本院特差御史三員

同錦衣衛委官東西三路巡捕二月初十

日間回還

一考察

一御史出巡除盤糧等差與給事中同行互相關防免其考察外其餘巡鹽巡關印馬

等差并巡按一年滿日具行過事蹟

御前復命仍備呈都察院考覈出巡有無賊

犯及乖違等項違碍劄行該道從公保勘

委無違碍奏請照舊管事所以御史出巡

守法備職者多其間或有一二行事乖違

者蓋由知之不審故陷於愆合無今後凡

有御史出巡於劄付備開應該考察緣由

行令務要遵守憲度公勤辦理以盡職業

回京之日考察稱職奏准照舊管事則人各

知職之當脩而怠職壞事者鮮如此則出

巡者受檢身之益總憲者有勸勵之道人多效職風紀斯振矣

一約束

一御史職在糾察內外百司賢否若非用心採訪激揚之際未免失真今後御史在廷在外凡有糾薦務秉至公以求真的切勿徇私任情顛倒黑白自招物議

一律令條例乃

國朝典章為憲臣者尤宜熟讀講明庶身能律人行無過舉

一十三道御史除到任陞任等公會外其閑常日期不得飲酒下棋妨廢職業有壞風紀

一御史差出巡按等項俱以

命下之日為始兩個月以裏就便起程經過家鄉不許延住其交待回還照依水程限期復

命如違即係悞事定應照例叅究

一御史務要每日朝回過家早飯畢隨即赴道理事不許閑遊若已報堂後到者須要

赴堂作揖有事給假者過五日後即報不到畧示其懲有別故者不在此限

一對抄御史嚴加戒約謄寫吏典今後抄呈務要端楷正書不許潦草差落如違對出呈稟替回重治

一管庫御史務要每日封嚴鎖鑰門戶嚴督庫役人等日則謹慎夜則提鈴巡視如有收庫本堂并各巡撫都御史折俸布絹銀兩除本堂依期分送外其各巡撫候有咨文差人關支經歷司稟堂支與仍取關支

人領狀收照

一御史以言為責其敷陳治道糾儀不職等項務要詢訪的實參酌可否憑議允當方纔舉行毋或泛言不切滯碍難行為人指議有玷臺綱

一試職御史除問理日行事務外每月掌道御史擬假如三道彈劾

一題送 堂看過發下作完季終送堂稽考
一巡城御史務要各督該管兵馬嚴謹夜禁防捕盜賊謹慎風火潔淨街道禁治兇暴

賭博等項其事干爭闔止許兵馬及兵牌
總甲呈舉情輕者量情發落情重者照例
送問其軍民詞訟自有法司不許干預

一各該巡按巡監清軍印馬等項御史凡考

大小官員賢否悉照本院近日奏行事理

施行

一考察官員查照舊例有堂上考試者有河

南道考試者來參禮儀并出考題目開坐

于後

一堂上該考官

各省左右布政叅政 叅議 副使 僉事

順天府府丞 治中 通判 推官

各處運司運使運同 副使

各處苑馬寺卿 寺丞

各處太僕寺卿寺丞以上俱堂參行跪禮

畢揖本堂出論考試

河南道該考官

在京

六部郎中 員外郎 主事 司務 照磨

翰林院修撰編修孔目等官

大理寺寺丞寺正寺副評事

五府經歷都事 太常寺博士 行人司行人

通政司經歷知事 國子監學正 助教

學錄 博士 監丞

以上俱堂叅行跪禮作揖三年六年遞供
出考語九年俱考論翰林院官延至後堂

待茶送至堂簷

國子監掌饌等官

太僕寺典簿等官

光祿寺各署官 典簿 上林苑各署官

鴻臚寺主簿 序班 鳴贊等官

欽天監博士等官

五城兵馬司指揮等官

以上俱堂叅止行跪禮不作揖三年六年
遞供止出考語九年俱考告示

順天府經歷 知事 照磨檢校 司獄

大興宛平二縣等官

各衛經歷知事

各衛千戶所吏目以上行禮與前同三年

六年九年知縣考論其餘俱考告示

太常寺協律典簿等官

欽天監樂舞生等官

譯字帶俸序班

通事序班

御醫吏目以上行禮與前同三年六年九年
通供不考止出考語

在外

南北直隸知府堂參行跪禮作揖三年六年九年
九年俱考論

各按察司經歷

知事

照磨

司獄

行太僕寺主簿

苑馬寺監正等官

以上堂參行跪禮不作揖三年六年九年
俱考告示

南北直隸府同知

通判

知州

以上堂參行跪禮不作揖三年六年九年
俱考論

推官考假如

檢校以上堂參行跪禮不

作揖三六九年俱考告示

一本衙門公差官見辭先隨班作揖從北簷

下而退

一南道御史進見同本衙門宮儀節

一本衙門官或新除或復除或事故來見門官報某道御史或經歷等官某人卯時入本官至簷下作揖從北簷下而退

一本道觀政進士除京職或在外選司務廳待作揖後令本官由月臺至簷下司務代稟某道進士某人除某官見辭本官作揖而退

一方面官見門官報見官幾員某布政司某官某人卯時入隨令本官上月臺去簷下三尺許行跪禮然後作揖司務廳與各掌

道御史相見從廊下直出

一報堂

一南門一報囚數對同揭帖一報打數吏一報通政司起數抄來一報侍班御史二員公差進入并給假不到官姓名一報堂宿官吏監生人等俱有舊規不許遺落查出究治

一北門一報宿吏人等俱有一報前大門外上宿火夫一報把門出入囚數揭帖俱送堂存照一報侍班巡風打斷盡完一報打

斷御史一員相視御史一員給假司獄吏
典

一南門一報發審幾名一報入囚幾名一報
出囚幾名一平允公文件數俱候有簿赴
堂判日

一稟抄

一各道日逐稟行一應奏訴本狀中間有不
干已事例該立案不行但行移開照不明
以致承行衙門一槩提擾今後務將詞內
事情分別某事干已應行勘問某事不干

已立案不行庶使情事分明人易遵守

一各道舊規凡遇發下抄呈通狀俱次日稟
堂倉卒之間事情未悉答問欠明以致差
誤者多今後抄呈通狀發下到道掌道御
史俱要於第二日對卷仔細參詳第三日
方纔備具始末緣由稟 堂定奪

一各道抄呈通狀遇奏奉

欽依看了來說緊關事情并異常事件掌道御
史不分早暮就與參詳次日早稟
堂具稿復奏違誤者參究官吏

一見行事例抱奏戶有壯丁隱下不行致令老幼婦女抱奏情詞立案不行今後各道凡遇老幼婦女抱訴奏務於行稿內開寫明白以便定奪

一決囚係刑部囚御史寫本係本院囚刑部寫本事同相視打斷俱御史復

命

一囚紙

一囚人紙劄已有定例各道文移繁簡不同應用紙張自有多寡今後事多道分紙不及用者具由稟

堂查給不得多收犯人紙張以起物議

一囚人紙劄刑部以有時估告示如紙一分該價銀一錢八分其餘各色紙張未有定價以致時估不同今後每季行拘行頭到官審取各色紙張時估一定通行各道照價折紙庶得齊一仍每季揭示門外曉諭通知

一各處巡按御史解到紙劄經歷司稟

堂逐一查驗數足及無損壞不堪方收貯

庫

一內府庫并各衙門年例及每季該關紙劄各手本到日經歷司稟 堂照數放支係內府衙門者題候

旨意劄付福建道轉送

一提牢事宜

一提牢御史俱以進道為序一月為期如期未滿不可改差其見問罪囚每日止許送飯二次早飯不過巳時晚飯不過申時吏典監生公同搜檢提牢御史仍親搜看毋

致獄卒剋減日逐巡風提牢御史公同點關刑具封監提牢御史每五日一次自行點視刑具枷鎖依時驗放重囚飯食以防尅減日間分派獄卒在監提鈴巡視關防囚犯自盡等項獄卒提鈴交替過赴提牢廳高聲稟白某時無事其獄官吏分派輪流坐更及上更走更傳牌俱照舊規

一司獄司額設皂隸一百三十四名看西老監重囚三十名看中一監進本等項輕囚五名看中二監進本等項輕囚五名提牢

等官晝夜督令各嚴加防守

一牢獄看監皂隸不許私借役使凡有公務差遣提牢御史先開具花名赴堂稟知方許撥用

一女監皂隸四名日夜在監門外看守

一守把鼓門皂隸五名兼打更鼓守把過門皂隸五名就令往來送囚

一各道巡更撥皂隸十二名每日晚出次日早回監

一提牢廳皂隸十二名十日則守把鐵門搜檢囚犯夜則過門打更在廳收牌內二名日則做飯夜則查更

一司獄六員共撥皂隸六名獄典三名共撥皂隸三名日則做飯夜則打更每日共輪流買菜提牢廳領假票一紙辰時出午時入監

一看監囚犯各道輪撥監生二名吏三名每日卯時輪吏一名赴牢廳領飯牌二面擡飯皂隸四名於本院大門外管收囚飯搜無夾帶逐名開寫牌上每日辰未二時吏

隨皂隸檯至提牢廳檢看畢給付司獄司
直日官吏照名給散各散囚人如或搜檢
不嚴致有夾帶或有尅減囚犯事發經該
人役從重究治

一皂隸每日輪流七名取討食米提牢廳給
與假票一紙辰時照出午時入監

一皂隸看老監者有增無減餘監視囚多寡
以為增減提囚走鈴者視見在以為多寡
其餘各有常例數俱半月一輪挨

一重囚每名月該食米三斗京倉關支收貯

法但近來對讀官員虛應故事致多差錯
今後對本官務要仔細免致後憂

一司務廳事宜

一司務廳嚴督六房并各道吏典照依舊規
每日卯時到房書辦畫外來遲者打十下
不到者打二十三日不到者即係逃吏送
問

一本院庫子十名俱係看守庫藏錢帛重役
今後各道務要嚴加審取殷實正身應役
不許容令無籍之徒時常包攬致難關防

一本院大門官吏但有投文解紙官吏人等到來若有有用計需索方纔引見司務廳務要嚴謹禁革故弊事發罪有攸歸

一本院并十三道吏典中間有等不知法度之徒專一嗜酒撒潑挾制同類有玷風紀今後司務廳嚴加防治不許姑息

一十三道御史并試職理刑進士等官給假司務廳置簿寫候收稽考

一各道監生雖歷事實虛曠歲月今後各掌道御史如有應問輕囚令監生作習招擬

每一月三件事以道分作假如三道使諳吏事以濟時用

一本院風紀衙門監生并當該辦事吏典人等司務廳司務要嚴加鈐束令其謹守憲度不許透露事情每日務令卯時畫卯申時放出違者稟堂重治

一每年六月初類秋後處決重囚八月半類朝審重囚其決重囚在外直隸去處咨刑部行委決囚官在外本院見監者類造揭帖仍查府部等衙門應

朝審官員先期二日送與揭帖至期會審

一每年十二月一類差錯一類南北囚一類

差點齊御史一會刑部

奏印色

一每年四月熟本

聖旨一出即仰各道抄案遵行

刑房承行

一按月二十二日

朝畢赴司禮監進精微二十六日關精微外

御史巡吏給批同刑科給事中赴司禮監

填註給領

一各處糧戶解納本衙門俸米到日收糧御

史嚴加禁約本衙門皂隸人等不許欺凌

大戶及一切需索酒飯違者稟

堂拿問重治

一撫按等書吏監生

一各處巡撫巡按清軍等項書吏監生有缺

咨呈到院經歷司即具手本取撥前來引

堂後撥各房書寫文書一月滿日稟

堂監生考判語二道吏考字照缺撥補具

奏候有

旨意仍具手本送

內府請給精微批文起送

一奏對

中外之官員莫難於風憲莫危於風憲曷
謂難人之所趨者不敢趨人之所樂者不
敢樂人之所私者不敢私所謂峴峴者易
缺皎皎者易污非難而何曷謂危入焉與
天子爭是非出焉與大臣辯可否至於發
人之奸貶人之爵奪人之官甚則罪人於
死地一或不察而反以為辜則終身無所

控訴非危而何然君子居其官則忠進其
職所謂危且難者固有所不避焉竭忠吐
誠置死生禍福於度外庶上不負天子下
不負所學其或奏對於殿廷之上平心易
氣惟事上陳理誠直從容宛轉而益直理
誠屈雖抗厲激切而益屈夫僥倖其色辭
非惟有失事上之體而於已事亦無所益
古之攀欄斷鞅曳裾軻輪者皆勢危事迫
不得已而為之苟事不至於是殆不可以
為法前輩謂慷慨殺身者易從容就義者

難體此而則笈不從矣

一糾彈

夫臺憲之職無中外遠邇之分凡有所職皆得盡言以聞於上雖在外苟知居中者非人糾而言之亦可也雖在內苟知官外者不法糾而言之亦可也大率期以至公無私斯得之矣夫夫人之事仕也有貴近有踈遠貴近者不少則位卑而罪微者不待劾而自艾矣故前輩謂豺狼當道安問狐狸亦此意也竊嘗謂薦舉之體則宜先

小官彈糾之體則宜先貴官然又當審其素行為君子為小人如誠小人雖有所長亦不必舉何則其平日不善者多也如誠君子雖有小過亦不必言何則其平日之善者多也况刑憲本以待小人君子之過尚有不甚殆不宜輕易害之使數十年作養之功掃之一旦也蓋人才難得全才尤為難得昔宋趙清憲在言路彈劾不避權貴京師號鉄面御史常與朝廷別白君子小人其言曰小人雖有小過當力排絕之

後乃無患君子不幸而有註誤則當為
家保持愛護以全其德於戲趙公言可謂
深議遠慮真知大體之論矣故表而出之
以為當言路者楷式

一自律

士而律身固不可以不嚴也然而有官守
者又當嚴於士馬有言責者又當嚴於有
官守者焉蓋執法之臣將以糾奸繩惡以
痛中外以正紀綱自律不嚴何以服衆夫
所謂嚴如處子之居室也一行一止一語

一默必遵禮法厥德乃全跬步有遺則人
人得而訾之矣苟挾權怙勢惟殖已私或
巧規子錢或盜行鹽鐵或荒耽麪孽或私
用親屬或畋獵不時或宴遊無度或潛托
有司之事或妄興不急之功或曠官第而
不居或縱家人而不檢斯數者而有一焉
皆足為風之累也國家以中臺為肅政以
御史為監察以憲為廉訪者欲以糾奸貪
戢紛擾開誠布公俾所屬知所法也今而
若是牧民之吏將安法焉且他人有犯

則吾得而譴之重則吾得而言之又重
得聞於上戮之矣已之所犯其孰得而發
哉人情不敢發日甚一日將如臺察何將
如天理何故備載其然俾為憲司者有則
改之無則知所以自重

一審錄

書曰庶獄慎又曰非佞折獄為良折獄易
謂君子以明慎用刑而不留獄於戲以此
見聖人好生之心與天地等矣饑寒切身
自非深知禮義之人不敢保其心無他况

隆慶二年續添

國朝典禮大備

朝儀具載會典與風憲事宜中可考而知

皇上嗣統臨

朝節因臣庶建白禮官議覆申飭詳備奉有
欽依通行遵守茲謹擇其與侍班糾奏有關者
備錄如左庶後之同事者有所考云

一兩朝凡早朝起鼓後遇雨雪司禮監傳
旨有事進無事退有事者即從東西廊行至
皇極門上東西對立糾儀御史序班俱北向

駕坐鳴鞭於門洞傳

旨免叩頭鴻臚寺宣念謝

恩見辭畢傳外朝官叩頭各衙門奏事如常儀
其面恩見辭領

勅等官門上叩頭給由官吏并堂引官舍丹墀
叩頭奏事畢鳴鞭百官退若丹墀內傳嗽
後遇雨雪該鴻臚寺承

旨暫免朝參鳴鞭

駕興常朝官不問有無事奏俱各退出仍以當
奏者具本奏

聞

一面糾儀節載風憲事宜者已極詳盡但

朝廷禮法之地固貴森嚴而臣子錯誤之情委
有輕重近該凌御史具題分別面奏該禮
官議覆奉有

欽依准照原題事例請

旨如傾跌倒地見辭不到偶語誼譁者糾儀御
史即跪奏其官合當拿問如行動稍有傾
倒起伏稍有遲疾承應稍有後先叩頭稍
有多寡致詞稍有遺忘者糾儀御史即

奏某官合當提問其被糾人員俱出班
免冠候

旨如奉

旨寬宥各叩頭恭謝

一糾奏查得

先朝舊規三品以上具奏四品以下面糾近該

鴻臚寺具議禮部題覆凡在京堂官四品

以下有失儀者亦照三品事例具本劾奏

一免糾該禮部具題查照

大明會典凡

朝參官有病嗽者許即退班徑出掖門伺候

或眩暈不能侍立者許同列官扶出御史

序班無得糾奏

一班次該禮部具題凡常朝奏事引見官員

品秩各有崇卑跪立當有定序除通政

臚太常奏事照舊俱於棕氈上大臣蒙

遣祭復

命并六科每日進揭帖照舊於棕氈南其面恩

見辭及奏事人員公侯駙馬伯俱於棕氈

稍南在京文武二品以上官稍下一等

品官又下一等京堂各官及科道部屬
官及在外方面官以下重下一等其守衛
官及各衛首領官又下一等若大選文官
襲替武官錦衣將軍監生歲貢給由官吏
通政司引奏人俱在侍班御史和北夷人
又稍居南如有引見錯亂者將引人等
即時糾奏



